



Кыайыны уһансыбыт хомсомуоллар

1947 с. олун-
ньу бүтүүтэ Дьокуускайга, Пионер
дыбарыаһыгар, Саха хомсомуолун
XII кэмпириэнсийэтэ буолбута. Бу
-- сэрйи кэнниттэн бастакы кэмпири-
энсийэ этэ.

Эдьигээнтэн райкомол бастакы
сэкирэтээрэ Евдокия Ефимовна Седа-
лищева уонна мин кыттыбыппыт. Оч-
чолорго Сыалаах нэһилиэгэр Чкалов
аатынан холкуоска үлэлиирим.

Баартыйа обкуомун бастакы сэ-
кирэтээрэ Илья Егорович Вино-
куров тыл эппитэ. Кини Саха си-
рин хомсомуола өстөөбү кыайыыга,
фронгга уонна тыылга сүнгэн кы-
лаатын киллэрбитин бэлиэтээн ту-
ран, сэрииттэн эмсэбэлээбит норуот
хаһаайыстыбатын чөлүгэр түһэриигэ

уонна салгыы сайыннарыыга улахан
соруугу туруорбута. Кэмпириэнсийэбэ
фронтовик-дэлэгээт элбэх этэ. Аа-
тырбыт сынаайпар Федор Охлопковы
онно көрбүтүм.

Бу хаартыскаба хотугу улуустар дэ-
лэгээттэрэ бааллар. Бастакы кэккэбэ
унаттан иккис – Е.Е. Седалищева.
Иккис кэккэбэ хангастан үһүс – Усуй-
ана райкомолун бастакы сэкирэтээрэ
Иван Алексеевич Слепцов (кэнники
сылларга, олобун тигэх күннэригэр
диэри, Эдьигээнгэ олорбута, улуус
сайддытыгар элбэх сыратын биэрби-
тэ). Үһүс кэккэбэ хангастан үһүс мин
турабын.

Егор Дмитриевич СЕМЕНОВ,
Дьокуускай.

